



## **SIARAN MEDIA** **PERBADANAN TABUNG PENDIDIKAN TINGGI NASIONAL (PTPTN)**

### **“SSPN-i PLUS : SIMPANAN PENDIDIKAN BERSADUR PERLINDUNGAN”**

1. **Kluang, Johor, 24 Mac 2017 – PTPTN mengadakan penyerahan manfaat perlindungan takaful kepada waris mendiang Chai Kwan Boon, 46 tahun yang telah meninggal dunia pada 08 Januari 2017 yang merupakan pendeposit SSPN-i Plus. Ketika sesi penyerahan, PTPTN telah menyerahkan pengesahan pemberian manfaat perlindungan takaful SSPN-i Plus dan khairat kematian kepada isteri mendiang iaitu Soo Boon Siew, 47 tahun bertempat di Pejabat PTPTN Cawangan Kluang.**
2. **Penyerahan dibuat oleh Cik Mastura binti Mohd Khalid, Timbalan Ketua Eksekutif (Dasar dan Operasi) PTPTN. Turut hadir Encik Abdul Ghaffar bin Yusop, Pengurus Besar Kanan, Jabatan Pemasaran dan Komunikasi Strategik, PTPTN, Encik Yassir Azlin bin Abdul Ghafar, Pengurus Besar, Pembangunan Perniagaan, Hong Leong MSIG Takaful serta Encik Muhammad Faizal bin Adnan, Pengurus Besar Negeri, Pejabat PTPTN Johor.**
3. **Mendiang merupakan pendeposit SSPN-i Plus yang telah membuka akaun SSPN-i Plus di bawah Pakej Zamrud dengan komitmen bulanan RM200.00 bagi setiap akaun. Bagi memastikan masa depan pendidikan anak-anaknya, mendiang telah membuka tiga (3) akaun SSPN-i Plus mulai November 2015 untuk anak beliau iaitu:**
  - i. Chai Bao Yi (20 tahun);
  - ii. Chai Jing Min (19 tahun); dan
  - iii. Chai Jun Chuen (14 Tahun).

4. Melalui penabungan pendidikan SSPN-i Plus yang dibuat dan musibah yang melanda, **mendiang telah dilindungi dengan manfaat perlindungan takaful (kematian biasa) sebanyak RM120,000.00**. Selain itu, **Khairat kematian juga diberikan sebanyak RM7,500.00 (kematian pendeposit)** bersama nilai tunai bagi simpanan takaful sebanyak RM180.00, menjadikan **jumlah keseluruhan manfaat takaful dan khairat kematian serta nilai tunai yang diterima** oleh waris adalah **berjumlah RM127,680.00**.
  
5. **Sejak dilancarkan pada 8 Jun 2015 sehingga 31 Januari 2017**, pembukaan akaun SSPN-i Plus adalah sebanyak **60,655 akaun** dengan jumlah **deposit terkumpul sebanyak RM16.2 juta** (RM20.4 juta termasuk takaful) dan jumlah **manfaat perlindungan takaful sehingga RM2.9 bilion**. Sehingga **15 Mac 2017**, sebanyak **91 tuntutan** melibatkan pelbagai kes dengan amaun **RM866,060.00 telah berjaya diselesaikan**.
  
6. **Waris perlu memaklumkan kepada PTPTN** sekiranya berlaku **kematian atau keilangan kekal menyeluruh** agar PTPTN boleh **menguruskan tuntutan** dan memberikan **manfaat takaful serta khairat kematian kepada waris sebagaimana yang ditetapkan**. **Waris/ penuntut perlu membuat tuntutan dengan melengkapkan Borang Permohonan Tuntutan Takaful SSPN-i Plus yang boleh diperolehi melalui portal rasmi [www.ptptn.gov.my](http://www.ptptn.gov.my)**. Borang beserta dokumen sokongan yang diperlukan hendaklah **dikemukakan kepada Pejabat PTPTN Negeri/ Cawangan yang berhampiran** atau diposkan ke Ibu Pejabat PTPTN, Menara PTPTN, Kuala Lumpur. Senarai pejabat PTPTN boleh diperolehi melalui portal rasmi PTPTN.
  
7. PTPTN sebagai sebuah Tabung Pendidikan utama negara sentiasa memikirkan kebijakan pendepositnya. Dengan keprihatinan PTPTN ini **mampu membantu meringankan beban yang ditanggung oleh waris dan anak-anak dalam memastikan masa depan pendidikan lebih terjamin walaupun ibu atau bapa (pendeposit) telah meninggal dunia/ keilangan kekal menyeluruh**. Penabungan dan perancangan kewangan merupakan dimensi penting dalam pendidikan tinggi negara bagi **mengurangkan kebergantungan kepada pinjaman pendidikan semata-mata**.

8. Produk SSPN-i Plus menawarkan enam (6) pakej simpanan serendah RM30 sebulan iaitu hanya RM1 sehari yang bukan sahaja untuk simpanan semata-mata, tetapi juga mempunyai perlindungan takaful yang komprehensif dengan premium yang murah. Keunikan produk ini bukan hanya terletak pada keistimewaan yang ditawarkan SSPN-i, iaitu pelepasan taksiran cukai pendapatan, dividen yang kompetitif, layak memohon pinjaman PTPTN dan simpanan dijamin Kerajaan, tetapi apa yang lebih menarik adalah manfaat takaful yang akan dinikmati oleh mereka yang membuat tabungan.
9. Manfaat takaful yang akan dinikmati adalah seperti manfaat bagi kematian/ ilat kekal menyeluruh akibat kemalangan sehingga RM1 juta, manfaat bagi 36 penyakit kritikal, elaun harian kemasukan hospital sehingga RM200 sehari, khairat kematian kepada pendeposit, pasangan dan maksimum 3 orang anak, perlindungan 24 jam di seluruh negara dan pelan ini tidak memerlukan pemeriksaan kesihatan (hanya perlu menjawab soalan kesihatan bagi mereka yang memilih pakej Berlian).
10. Berkuatkuasa 1 Januari 2017, PTPTN melalui pembentangan Bajet 2017 turut memberikan insentif geran sepadan secara percuma sebanyak RM50.00 kepada pelajar tahun 1 di sekolah bantuan penuh Kerajaan yang membuka atau menambah di dalam akaun SSPN-i Plus/ SSPN-i.
11. Skim simpanan pendidikan SSPN-i Plus di bawah Tabung Pendidikan utama negara ini merupakan skim simpanan pendidikan yang sewajarnya dimiliki oleh setiap isi rumah kerana ianya menawarkan pelbagai keistimewaan dan manfaat yang baik dan menyeluruh untuk warganegara Malaysia.